

Թ Ե Մ Ա Կ Ա Ն Կ Յ Ա Ն Ք

ՂԱԶՎԻՆԻ (ԻՐԱՆ) Ս. ՀՌԻՓՍԻՄԵ ԵԿԵՂԵՑՈՒ
ՀԻՄՆԱԴՐՄԱՆ 50-ԱՄՅԱ ՏՈՆԱԿԱՏԱՐՈՒԹՅՈՒՆԸ

Ղազվինի Ս. Հռիփսիմե եկեղեցու քահանա Ս. Ներսես Մեսրոպյան-Բալայանը հաղորդում է:

Սույն թվականի հուլիսի 25-ին, Ղազվինի Ս. Հռիփսիմե եկեղեցու հիմնադրման հիսնամյակի առթիվ, նույն եկեղեցում մատուցվեց հանդիսավոր ս. պատարագ: Օրվա պատարագիցն էր արժանապատիվ Ս. Ռուբեն քին. Հայրապետյանը:

Ս. պատարագին իր մասնակցությունը բերեց Ս. Սարգիս եկեղեցու երգչախումբը՝ խմբավարությամբ Մարտիկ Ալետիսյանի:

Հավարտ ս. պատարագի կատարվեց հոգեհանգստյան արարողություն՝ ի հիշատակ Ս. Հռիփսիմե եկեղեցու բարերարներ Հովհաննես և Վարդենի Բարսեղյանների, նրանց դստեր՝ Հռիփսիմեի, Ղազվինի հայոց համայնքի 47 տարիների նվիրյալ հովիվ Ս. Հարություն ալագ քահանա Մեսրոպյան-Բալայանի և ղազվինահայ բոլոր բարերարների: Հոգեհանգստյան հուլիչ արարողության ավարտին ներկաներին ուղղված ջնորհակալական խոսքով հանդես եկավ Ղազվինի հայոց եկեղեցական խորհրդի նախագահ արժ. Ս. Ներսես քին. Մեսրոպյան-Բալայանը (որդին Ղազվինի հայոց նախկին հոգևոր հովիվ՝ հոգեղույս Ս. Հարություն քահանայի):

Սույն եկեղեցին կառուցվել է 1936 թ. Ղազվինի այն ժամանակվա հայոց հոգևոր հովիվ Ս. Հարություն քահանայի առաջարկով՝ ի հիշատակ սիրված ազգային Հովհաննես Բարսեղյանի վաղամեռիկ դստեր, որը վախճանվել էր 1934 թ.: Ս. Հռիփսիմե եկեղեցու օծումը կատարվեց 1937 թ.՝ ձեռամբ

Իրանա-հնդկական կրոնական խորհրդի փոխնախագահ Ս. Թեոդորոս ծ. վրդ. Իսրայելյանի: 1947 թ. փոքրիկ Հռիփսիմեի աճյունը փոխադրվեց և ամփոփվեց Ս. Հռիփսիմե եկեղեցու զավթում: Նույն թվականին Ս. Հռիփսիմե եկեղեցու բարերարը ընտանիքով Ղազվինից տեղափոխվեց՝ բնակություն հաստատելով Մալր Հայաստանում:



1957 թ. Ամենայն Հայոց Հայրապետ Նորին Սրբություն Վազգեն Ա կաթողիկոսը, ընթացք տալով Ղազվինի հայոց հոգևոր հովիվ Ս. Հարություն քահանայի խնդրանքին, բարերար Հովհաննես Բարսեղյանին պարգևատրեց «Ս. Գրիգոր Լուսավորիչ» շքանշանով:

Ղազվինի հայոց հոգևոր հովիվ Ս. Ներսես քահանան 1980 թ. ուխտի եկավ Մալր Աթոռ Սուրբ Էջմիածին և Վեհաբանում ընդունվեց Ամենայն Հայոց Վեհափառ Հայրապետի կողմից:

ՇՐՋԱՆԱՎԱՐՏՆԵՐՈՒ ԸՆԴՈՒՆԵԼՈՒԹՅՈՒՆ ԱՌԱՋՆՈՐԴԱՐԱՆԻ ՄԵՋ

Այն առաջնորդարանիս ավանդություններն մին հանդիսացող հայ ընթացավարտ աշակերտներու հետ հանդիպումը առաջնորդ սրբապան հոր այս ամառ տեղի ունեցավ 20 հուլիս 1986-ին, հրավերով Ազգ. Կեդրոնական Վարչության և մասնակցությամբ առաջնորդարանիս առընթեր հանձնախումբերու և քաղաքիս մեջ գործող հայկական միությանց ներկայացուցիչներուն:

Այս տարի ընթացավարտ հայ աշակերտներու հունձքը կհաշվեր 66 երիտասարդ ու երիտասարդուհիներ, որոնք Պաղտատի տարբեր երկրորդական վարժարաններէ, ինչպէս նաև համալսարաններու տարբեր ճյուղերէ շրջանավարտ ըլլալով, կուգան խտացնելու իրաքահայ ուսյալ հուլիս շաբթը:

Սույն երեկոյթին բացումը կատարեց Ազգ. Կեդրոնական Վարչության ատենապետ տոքթ. Պողոս Պողոսյանը: Հարգո ատենապետը անդրադարձավ մարդ էակի ներդաշնակ զարգացման մասին՝ բացատրելով, թէ ամեն անհատ պարտավոր է զարգանելու իր հոգին, միտքն ու մարմինը, որպէսզի իր ազգին մատուցած ծառայությունը ըլլա ավելի հիմնավոր: Տոքթոր Պողոսյանը ապա հրավիրեց առաջնորդ սրբապան հայրը տալու իր հայրական պատգամը շրջանավարտներուն:

Դիմելով շրջանավարտ երիտասարդության սրբապան հայրը իր պատգամի մեջ հաստատեց թէ.

«Մեզի համար այս պահը նվիրական է ու հրաշագործ, որովհետև պահը ինքնին արդյունքն է երկարատև տարիներու տքնաշան աշխատանքի՝ վաստակված 2եր ծնողներու արդար քրտինքով և 2եր իսկ տրամադրած անհաշիվ ժամերու և օրերու որպէս ճշմարիտ հատուցում: Պահը նաև տեսիլքի պահ մըն է, 2եր անձնական տեսիլքի՝ բացված ապագային: Մի մոռնաք, որ ամեն մեկ հրաշքի սկսբնավորության տեսիլք մը կա: Հրաշագործ ըլլալու համար տեսիլք

հարկ է ունենալ և գիտեք, համայն ստեղծագործության մեջ Աստուծոյ բացի, միայն ու միայն մարդ էակն է, որ կարողությունը ունի հրաշք գործելու, եթէ երբեք իր տեսիլքին քաջությունը և նվիրումի խոր գիտակցությունը ունենա:

Աստվածաշունչը, Սուրբ Գիրքը մեզի կտրվեցնէ թէ Աստված մարդը ստեղծեց որպէս տեր և իշխան միւս բոլոր արարածներուն վրա. այսինքն՝ բարին Աստված աշխարհը մարդուն հանձնեց: Մեզմէ յուրաքանչյուրը նշանակված է որպէս հոգատար ու խնամակալ: Մեկ խոսքով ամեն մեկս ունի իր պարտականությունները: Մեզի հանձնված պարտականությանց կատարումի ընդմեջէն կիրազործիլ հրաշքը և մենք կդառնանք հաջողակ ու երբեմն՝ Մեծ: Եվ ընդհակառակը, ձախող կմնա այն անհատը, որ կպանա իր պարտականությունները կատարելու, այսինքն կմերժէ իր անձը նվիրաբերելու, իր անձը զոհելու»:

Իր պատգամի վերջավորության սրբապան հայրը հրավեր կարդաց շրջանավարտներուն ունենալու ծառայության գիտակցությունը՝ իրենց տաղանդէն ու զարգացումէն բաժին հանելով իրենց Մայր Եկեղեցվո ու սեփական ազգին, ինչպէս նաև շինարար քաղաքացիներ հանդիսանալու իրենց երկրին:

Նման հանդիսություններ տեղի ունեցան նաև Իրաքի այլ հայաշատ կեդրոններէ՝ Քերքուկի և Պասրայի մեջ:

Վերոհիշյալ գաղութներու մեջ սրբապան հոր տված հովվական այցելութենէն օգտուվելով, տեղվոյն Թաղական Խորհուրդները ևս գնահատանքի երեկոներ կազմակերպած էին իրենց շրջանավարտ զավակներուն համար: Քերքուկի մեջ 15 անձ, իսկ Պասրայի մեջ 34 ընթացավարտներ կային: Սրբապան հայրը տվավ իր հորդորները և ոգևորեց ներանց ապագայի նկատմամբ:

ԱՌԱՋՆՈՐԴԱՐԱՆ ՀԱՅՈՑ ԻՐԱԲԻ

ՀԻՄՆԱՐԿԵՔ ԵԿԵՂԵՑՎՈ

Սույն տարվո օգոստոսի 10-ը բարեկենդանին Ս. Աստվածածինի Պահոց, հիշատակելի օր մը հանդիսացավ իրաքահայության ընդհանրապես, և ի մասնավորի Պաղտատի հայության համար: Ըստ նախօրոք եղած հայտարարության և կարգադրության, ինչ-

պէս նաև առաջնորդարանիս կողմէ տրամադրված փոխարկական դյուրութեանց, հազարէ ավելի հավատացյալներ հավաքված էին նոր գերեզմանատան հողաշերտին վրա՝ մասնակցելու եկեղեցվո հիմնարկերի արարողության:

Արարողությունը սկսավ առաջնորդ սըրբազան հոր՝ գերաշնորհ Տ. Ավագ եպս. Ասատուրյանի գլխավորած թափորով, որուն մաս կկազմեին քահանայից դասը, դպրաց և տարկավագաց դասերը, նաև մեր քույր եկեղեցիներեն՝ Ասորի Օրթոտոքս համայն-քապետը՝ հանձիրն Սևերիոս Հավա Արք-ի: Թափորին կիեռնեին տասնվեց կնքահայրեր, որոնք հրավիրված էին առաջնորդարանիս կողմն և ընտրված համայնքիս մեջ

Հավարտ արարողությանց առաջնորդ սըրբազան հայրը իր քարոզին մեջ հաստատեց.

«Քրիստոսի պատգամը հարկավոր է մըշտապես կյանքի կոչել և ըստ այնմ ապրիլ մեր իսկ բարի իրագործումներու ճանապարհով: Ահավարիկ շինարարություն մը որպես քրիստոնեական առաքիչություն, կհանդիսանա այն իրագործումներեն մին, որուն կատարումով մարդ էակը կկիրառն Արարչին կողմն իր մեջ զետեղված ստեղ-



Մի պահ հիմնարկեցի արարողությունից

գործող միություններու ներկայացուցիչներեն և գաղութիս երախտավոր ազգայիններեն: Կնքահայրերեն մին էր Ազգ. Կեդրոնական Վարչության ներկայացուցիչ և փոխատենապետ տիար Տիգրան Ն. Օհանյան:

Սույն հոգեպարար արարողության ընթացքին առաջնորդ սրբազան հայրը, ըստ Մաշտոցի, օծեց կնքահայրերու ձեռքին եղած վեմ քարերը, անվամբ տասներկու առաքյալներու, չորս ավետարանիչներու, Պողոս առաքյալի և մեր եկեղեցիով լուսավորիչ Գրիգոր Պարթև Հայրապետի, ընդամենը տասնվեց վեմ քարեր: Սուրբ գրական ընթերցումներն հետո առաջնորդ սրբազան հայրը խնկարկելով օծված վեմ քարերը՝ կնքահայրերու աջակցությամբ պանոք վետեղեց կառուցվելիք եկեղեցիով սյուներու հիմերուն ներքո:

ծագործական հանճարը:

Այդ հողաշերտին վրա կառուցվելիք եկեղեցիով հիմնարկեցի սույն հոգեշեն արարողությունը մեր մեջ անգամ մը ևս կհաստատեն այն համոզումը, թե հայ հավատացյալ ժողովուրդը երկնավոր վարդապետի պատգամներուն կիեռնի շինելու և շենցնելու տիրահաստատ կոչման ընդմեջեն:

Քարոզի ավարտին սրբազան հայրը հանուն իրաքահայության երախտագիտական խոսք ուղղեց Իրաքի տիրախնամ պետության, որ նվիրատուն եղած էր սույն 100 000 քռ. մ. տարածությամբ հողաշերտին՝ օգուագործելու համար իբրև գերեզմանատուն պաղոտատահարության:

ԱԶԳԱՅԻՆ ԱՌԱՋՆՈՐԴԱՐԱՆ ՀԱՅՈՑ ԻՐԱԲԻ

ՍԱՐԿԱՎԱԳԱԿԱՆ ԵՎ ՔԱՀԱՆԱՅԱԿԱՆ ՋԵՌՆԱԴՐՈՒԹՅՈՒՆ ՄԵԼԲՈՒՌՆԻ Ս. ԱՍՏՎԱԾԱԾԻՆ ԵԿԵՂԵՑՈՒՄ

Այս տարի Սուրբ Աստվածածնի Վերափոխման տոնը հոգևոր ուրախության և ցնծության առիթ եղավ Մելբուռնի հայության համար:

Օգոստոսի 16-ին, շաբաթ օրը, Մելբուռնի Ս. Աստվածածին եկեղեցում ս. պատարագ մատուցեց արժ. Ս. Արամայիս ավագ քին. Միրզայանը: Ս. պատարագի ընթացքում Ավստրալիայի և Նոր Զելանդիայի հայոց թեմի առաջնորդ գերաշնորհ Ս. Աղան եպիսկոպոս Պալիոպանը կիսասարկավագ և ապա սարկավագ ձեռնադրեց Կիրակոս Փանոսյանին և Հարություն Պողոսյանին՝ շնորհելով նրանց «ավագուր և սուրբ ուրար»-ներ, պաշտոն՝ «Անտարան ընթերցելու և խընկարկելու»:

Սարկավագական ձեռնադրության խարտավիյակի պաշտոնը կատարեց Հարություն արկ. Հանայանը:

Նույն օրը, երեկոյան, տեղի ունեցավ Կիրակոս արկ. Փանոսյանի քահանայական կոչման հուպիչ արարողությունը: Ընծայալը խորանի առջև ծնրադիր արտասանեց Հայաստանյայց եկեղեցու հավատամքը՝ ըստ Գրիգոր Տաթևացու բանաձևումի:

Օգոստոսի 17-ին, կիրակի.—Վերափոխումն Ս. Աստուածածնի:

Օրվա մեծ տոնի առիթով Մելբուռնի Ս. Աստվածածին եկեղեցում հանդիսավոր ս. պատարագ մատուցեց Ավստրալիայի և Նոր Զելանդիայի բարեջան առաջնորդ Ս. Աղան եպիսկոպոս Պալիոպանը:

Պատարագի «Ձի ողորմած և մարդասեր ես Աստուած...» աղոթքից հետո սկսվեց քահանայական ձեռնադրության հոգեպարար արարողությունը:

Խարտավիյակի պաշտոնը ստանձնել էր Ս. Արամայիս ավագ քահանա Միրզայանը: «Աստուածային և երկնաւոր...» շարականի երգեցողության պահին ընծայալը խորանի վրա ծնրադիր, ձեռքերը վեր բարձրացնելով, հրաժարվեց աշխարհից՝ կոչվելու համար «ի սարկավագութենէ ի քահանայութիւն Ս. Եկեղեցւոյ ըստ վկայութեան անձին իւրոյ»:

Ապա ս. պատարագը շարունակվեց մինչև «Ողջոյն»-ը, որից հետո նորընծան ծնկի գալով ձեռնադրիչ սրբազանի առջև՝ աղոթքով և օրհնությամբ ստացավ քահանայական փիլոն, սաղավարտ, շուրջառ և գոտի: Քահանայական լիով հանդերձանքով նորընծան ձեռնադրիչ Ս. Աղան սրբազանից ընդունեց

քահանայական օծումն ու Սուրբ Հոգու շնորհները՝ վերանվանվելով Ս. Ասողիկ քահանա: Ձեռնադրիչ սրբազան հայրը Սուրբ Հաղորդության սկիզբ փոխանցեց նորընծային՝ շնորհելով ս. պատարագ մատուցելու իշխանություն: Նորընծա Ս. Ասողիկ տեր հայրը իր անդրանիկ օրհնությունը բաշխեց եկեղեցում հավաքված հավատացյալ ժողովրդին՝ «ձաղաղութիւն ամենեցուն»:

Հավարտ ձեռնադրության հուպիչ արարողության, ձեռնադրիչ Ս. Աղան եպս. Պալիոպանը քարոզ խոսեց՝ վեր հանելով եկեղեցականի ծառայության նվիրական կոչումը Աստուծո, Եկեղեցու և ժողովրդի հանդեպ: Սրբազան հայրը իր քարոզի մեջ ասաց, որ այդ անվամբ կոչեց նորընծային՝ ի հիշատակ հանգուցյալ Ս. Ասողիկ արքեպիսկոպոս Նապարայինի: Հանգուցյալ սրբազան հայրը առաջին հայ եկեղեցականն է՝ եղել, որ 1950-ական թվականներին ժամանել է Ավստրալիա, որպես ծայրագույն վարդապետ, և Ավստրալիայի տարածքի վրա ցրված հայի բեկորները համախմբելով՝ եղել է նրանց հոգևոր մատակարարը և ազգային ոգի ներշնչողը:

«Ողջոյն»-ի պահին ձեռնադրիչ սրբազան հայրը ողջագուրվեց նորընծա Ս. Ասողիկ քահանա Փանոսյանին, որին հետևեցին «քահանայք և սարկավագք»:

Հավարտ ս. պատարագի նորընծային շնորհավորեցին ձեռնադրության հոգեպարար արարողությանը ներկա գտնվող խուներամ հավատացյալներ:

Նորընծայի կնքահարության պաշտոնը սիրով հանձն առավ տիար Սիրական Տեյքալանը՝ մի եկեղեցասեր և հայրենասեր հայորդի:

Նորընծան իր քառասնօրյա առանձնացման օրերը կանցկացնի Սիդնեյի հայոց առաջնորդարանում՝ սրբազան հոր հսկողության ներքո:

Ս. Ասողիկ տեր հայրը փոքր տարիքից ծառայել է եկեղեցում, որպես դպիր: Անցնող տասը տարիների ընթացքում կանոնավորապես մասնակցել է Մելբուռնի Ս. Աստվածածին եկեղեցում կատարվող հոգևոր արարողություններին:

Ս. Ասողիկ քահանան ժամանակավորապես պետք է ծառայի Մելբուռնի Ս. Աստվածածին եկեղեցում որպես հոգևոր հովիվ, մինչև մնալուն հոգևոր հովիվի ժամանումը, որից հետո պետք է ծառայի Սիդնեյի առաջնորդարանում:




Մի պահ քահանայական ձեռնադրությունից

Բարեջնորհ Հարություն սարկավագ Պողոսյանը, որ փոքր տարիքից եկեղեցական ծառայության սեր ուներ, նախ ծառայել է Երուսաղեմի սրբավայրերում և ապա Սիդնեյ քաղաքում հաստատվելուց ի վեր ծառայում է Ս. Հարություն եկեղեցում: Նա հանձն է առել շուտով կուսակրոն քահանա-

յի կոչում ստանալ Մայր Աթոռ Սուրբ Էջմիածնում ու Սիդնեյ վերադառնալով ծառայել՝ ի մխիթարություն Սիդնեյի հայ համայնքին, որպես «Մշակք առանց ամօթոյ»:

ԹՂԹԱԿԻՅ



COMPLEXE BARSAMIAN

Նիզեցալի իւայոյ Ա. Աստվածածին եկեղեցուն կից կառուցելիք «Պարստույան խանութր»-ի գծագիրը

ՆԻՑՑԱՅԻ ՀԱՅՈՑ Ս. ԱՍՏՎԱԾԱԾԻՆ ԵԿԵՂԵՑՈՒՆ ԿԻՑ. «ՊԱՐՍԱՄՅԱՆ ՀԱՄԱԼԻՐ»-Ի ՀԻՄՆՈՐՀՆԵՔԸ

Ինչպես հայտնի է, արդեն 63 տարի է, ինչ գոյություն ունի Նիցցայի հայ գաղութը՝ իր հոգևոր ու աշխարհիկ բուռն կյանքով: Իսկ տեղի հայոց Ս. Աստվածածին եկեղեցին հիմնադրվել է 1927 թվականի օգոստոսի 17-ին:

Սույն թվականի օգոստոսի 16 և 17 օրերը ցնծության և բերկրանքի օրեր եղան տեղի հայ համայնքի համար:

Օգոստոսի 16-ին, ըստ մեր նախնյաց սովորության, ժրջան հայ կանայք հսկայական կաթսաների մեջ մատաղ էին եփում, որպեսզի հաջորդ օրվա Վերափոխման տոնը նշանակալից տարեթիվ դառնա հայկական գաղութի կյանքում:

Օգոստոսի 17-ին, կիրակի.—Վերափոխումը Ս. Աստվածածնի.

Վաղ առավոտյան Ս. Աստվածածին եկեղեցու պանդակները ավետում են բացառիկ օրվա պայծառ լուսաբացը: Մատուցվեց սուրբ պատարագ, ուր երգեցողությունը կատարում էր Մարսելից հրավիրված «Գուսան» երգչախումբը:

«Պարսամյան Համալիր»-ի հանդիսավոր հիմնարկների արարողությանը Մարսելից հրավիրվել էր գերազնորի Հակոբ եպիսկոպոս Վարդանյանը՝ անձամբ ղեկավարելու օրվա հանդիսությունները:

Օրվա ս. պատարագից և խաղողօրհներգից հետո կատարվեց Ս. Աստվածածին եկեղե-

ցուն կից կառուցվելիք «Պարսամյան Համալիր»-ի հանդիսավոր հիմնօրհները:

Հիմնօրհների եկեղեցական արարողությունից հետո համալիրի հիմքում պետեղվում են մեռուի սրվակ և նշխար՝ փոքրիկ տուփերի մեջ փակված:

Այս օրվա հանդիսավոր Տարոն ծաղազուն վարդապետ ձերեճյանը ընթերցում է մի Հիշատակարան՝ «Պարսամյան Համալիր»-ի հիմնօրհները առթիվ, որը նույնպես պետեղվում է փորված հիմքում:

Այնուհետև նահանգապետի ներկայացուցիչ պրն. Փելիսին և Համալիրի բարերար պրն. Թորոս Պարսամյանը համատեղ փակում և ծեփում են փող՝ ջերմ և սրտագին բուռն ծափահարությունների ներքո:

«Պարսամյան Համալիր»-ի հիմնօրհների առթիվ սրտի ջերմ խոսք ասացին Տարոն ծաղազուն վարդապետ ձերեճյանը, Կրոնական Ընկերակցության վարչության ատենապետ պրն. Գրիգոր Աժտերխանյանը և այլ պաշտոնական անձինք:

«Պարսամյան Համալիր»-ի հանդիսավոր հիմնօրհների արարողությունից հետո տեղվեց ճոխ համերգ:

Համաձայն նախագծի, «Պարսամյան Համալիր»-ը իրենից ներկայացնելու է երկհարկանի ճոխ մի շինություն՝ իր պարտեզով:

ՎՈՒՈՂԴԱ ԱՐԲԱՎԱՄՅԱՆ

ԶՈՒՅԳ ՏԱՐԵԴԱՐՁՆԵՐԻ ՏՈՆԱՆՄԱՐՈՒԹՅՈՒՆ Ի Կ. ՊՈԼԻՍ

Ամենայն Հայոց կաթողիկոս Ս. Ս. Վաչագեն Ա Հայրապետի բարձր հրահանգով, սույն թվականի հոկտեմբերի 10—17 օրերին Մայր Աթոռի դիվանապետ Ս. Ներսես արք. Պովապայանը պաշտոնական այցով մեկնեց Ստամբուլ՝ մասնակցելու Կ. Պոլսի հայոց պատրիարքական Աթոռի հիմնադրության 525-ամյակի և Կ. Պոլսի Սրբազան Պատրիարք Ս. Ընդրեք արքեպիսկոպոս Գալուստյանի գահակալության 25-ամյակի հանդիսությանը:

Այս առթիվ Ստամբուլ էին ժամանել՝ Ս. Տիրայր արքեպիսկոպոս Մարտիրոսյանը՝ Ռումինիայի և Բուլղարիայի հայոց թեմի առաջնորդ, Ս. Վաչե արք. Հովսեփյանը՝ ԱՄՆ-ի

հայոց արևմտյան թեմի առաջնորդ, Ս. Ավագ եպս. Ասատուրյանը՝ Իրաքի հայոց թեմի առաջնորդ, և Ս. Արիս եպս. Շիրվանյանը՝ առաջնորդական փոխանորդ Սան Ֆրանցիսկոյի հայոց, համուն իրենց թեմերի մասնակցելու սույն հանդիսությանը:

Ընդառաջելով իրենց ուղղված հրավերներին՝ Ստամբուլ էին ժամանել նաև Հռոմի Սրբազան Քահանայապետի ներկայացուցիչ մոնսենյոր Սեբաստիանի Սերգիոն՝ ընկերակցությամբ մոնսենյոր Մարսել Գորինթիոյի, Քենթրբերիի Արքեպիսկոպոսի ներկայացուցիչ Ամարոյ Վիքս եպիսկոպոսը, Սալպեուրգի Արքեպիսկոպոս Կարլ Պելլ, ԵՀԽ-ի ներկայացուցիչ Տիար. Գասսան Ռուբենյը, գերմա-

նական ամենաարևելյան եկեղեցու ներկայացուցիչ դր. Էդուարդ Լոխե՝ եպիսկոպոսը, պանական երկրների դեսպանները:

Հանդիսություններին ներկա էին նաև տեղի այլ քրիստոնեական եկեղեցիների ներկայացուցիչներ, հայ կաթողիկե համայնքի կողմից՝ հայր Պետրոս վրդ. Գավուքյանը, Մխիթարյան Ուխտի կողմից՝ հայր Գաբրիել վրդ. Անանյանը և հայր Սարգիս վրդ. Էրմեն, ինչպես նաև հայ և օտար կրթական, բարեսիրական ու հասարակական կազմակերպությունների բազմաթիվ ներկայացուցիչներ:

Հոկտեմբերի 11-ին, շաբաթ օրը, Սրբոց Թարգմանչաց վարդապետաց տոնի առթիվ, Սկյուտար թաղամասի Ս. Խաչ եկեղեցում հանդիսավոր սուրբ պատարագ մատուցեց Ս. Գառնիկ ավագ քահանա Հալաչյանը, իսկ օրվա տոնի առթիվ հավուր պատշաճի քարույնեց Ամենապատիվ Սրբազան Պատրիարքը՝ վեր հանելով թարգմանիչ երամեծ վարդապետներ Սուրբ Մեսրոպի, Եղիշեի, Մովսես Բերբերդի, Դավիթ Անհաղթ փիլիսոփայի, Գրիգոր Նարեկացու և Ներսես Կալեցու կատարած անգնահատելի դերը հայ կյանքում:

Հավարտ սուրբ պատարագի Ս. Խաչ եկեղեցու սրահում տեղի ունեցավ «սիրո ճաշ», որի ընթացքում օրվա խորհրդի մասին ելույթներ ունեցան Ս. Տիրայր, Ս. Վաչե, Ս. Ներսես արքեպիսկոպոսները, Ս. Արիս, Ս. Ավագ և Ս. Մեսրոպ եպիսկոպոսները, ինչպես նաև եկեղեցու հոգաբարձության անդամները:

«Սիրո ճաշ»-ի ավարտին Ամենապատիվ Պատրիարք Հոր գլխավորությամբ հյուրերը աչքեկեցին Ս. Խաչ դպրեվանքը, ծառայողական հոգևոր այդ հաստատության կրթական-ուսումնական ծրագրին և աշակերտությանը, ապա եղան Բաղրար Բաշիի հայոց գերեզմանատունը՝ «հոգևոց արտասանելու» վարդապետիկ բանաստեղծներ Պետրոս Դուրանի, Մատթեոս Զարիֆյանի, ուսուցչապետ Ռեբենու Պերպերյանի և համայն հայ երախտավոր ննջեցյալների հոգիների խաղաղության համար:

Սույն օրը, երեկոյան, Ամենապատիվ Սրբազան Պատրիարքի նախագահությամբ Դալթիա թաղի Ս. Գրիգոր Լուսավորիչ գրքերթավոր եկեղեցում տեղի ունեցավ կիրակմանի հանդիսավոր ժամերգություն: Մայր Աթոռի ներկայացուցիչ Ս. Ներսես արք. Պոպապյանը Էջմիածնական եղանակով կատարեց «Լոյս փոխարք»-ի հոգեպարար մեղեդին: Կիրակմանի խորհրդավոր ժամերգությանը փութացել էին ներկա գտնվել մեծ թվով հավատացյալներ:

Հոկտեմբերի 13-ին, կիրակի, հանդիսա-

վոր սուրբ պատարագ է մատուցվում Գուճգափուի պատրիարքանիստ մայր եկեղեցում: Պատարագիչն էր Ամենապատիվ Ս. Շնորհք Պատրիարքը: Առավոտյան ժամը 10.30-ին եկեղեցու պանզերի դռանցի և «Նորիսող խորին» երգի քաղցրալուր հնչյունների ներքո բազմամարդ թափորը, շքեղորեն պեղծապարմած, ի գլուխ ունենալով Սրբազան Պատրիարքը, ուղղվում է դեպի մայր եկեղեցի: Բազմաժողով հավատացյալներ, աջահամբույրներ, երանական հույուսի արցունքներ, բարի մաղթանքներ և աղոթքի մրմունջներ:


Մայր եկեղեցում 250 անդամներից բաղկացած երգչախումբը, ղեկավարությամբ խմբավար Ժիրայր Արսլանյանցի, հաղթականորեն հնչեցնում է «Հրաշափառ Աստուած»-ը: Եկեղեցու աջակողմյան դասում իրենց տեղերն են գրավել հյուր հոգևորականները, իսկ ձախակողմյան դասում՝ դեսպաններ, հյուպատոսներ և պաշտոնական այլ անձինք: Սկսվում է հանդիսավոր սուրբ պատարագը: Քարույնից առաջ Ամենայն Հայոց կաթողիկոս Ս. Ս. Վազգեն Ա Հայրապետի պատվիրակ Ս. Ներսես արք. Պոպապյանը ընթերցում է Կ. Պոլսի հայոց պատրիարքության Խիմնադրության 525-ամյակի և Ս. Շնորհք Պատրիարքի գահակալության 25-ամյակի առթիվ Հայոց Հայրապետի գրած սրբատառ կոնդակը:

Ի դիմաց իրենց թեմերի և համայն ժողովրդյան ողջույնի խոսքով հանդես են գալիս Ս. Տիրայր արք. Մարտիրոսյանը և Ս. Վաչե արք. Հովսեփյանը: Այնուհետև քարույնում է օրվա պատարագիչ Ամենապատիվ Ս. Շնորհք Սրբազան Պատրիարքը և անդրադառնում Կ. Պոլսի հայոց պատրիարքության Խիմնադրության տարեգրությանը և ապա իր գահակալության 25 տարիների գործունեությանը:

Սուրբ պատարագի ավարտին Հայ եկեղեցու ներկա բոլոր բարձրաստիճան հոգևորականների մասնակցությամբ կատարվում է խորհրդավոր հոգեհանգստյան պաշտոն ի հիշատակ ննջեցյալ այն բոլոր պատրիարքների, որոնք անձանձրույթ նվիրումով ծառայել են Կ. Պոլսի նվիրապետական սուրբ Աթոռին:

Այնուհետև թափորը հանդիսավորապես դուրս է գալիս մայր եկեղեցուց և շարժվում դեպի պատրիարքարանի շենքի մուտքը, որտեղից Սրբազան Պատրիարքը բազմաժողով հավատացյալներին տալիս է իր օրհնությունը:

Սույն օրը, կեսօրվա ժամը 13.30-ին, պատրիարքարանի սրահում, Սրբազան Պատրիարք Հոր նախագահությամբ տրվում է մասնավոր ճաշկերույթ՝ ի պատիվ ներկա



Մի պահ հոգեհանգստյան արարողությունից

բոլոր հյուր հոգևոր պետերի և ներկայացուցիչների: Ճաշի ընթացքում Տ. Շնորհք Պատրիարքը հանդես է գալիս ողջույնի խոսքով՝ առանձին-առանձին ողջունելով բոլոր ներկաներին: Ի պատասխան Պատրիարք Հոր ողջույնի խոսքի, շնորհավորական խոսքերով հանդես են գալիս մեծարգո հյուրերը՝ իրենց բերած նվերները հանձնելով Նորին Ամենապատվությանը: Այս առթիվ Մար Աթոռ Սուրբ Էջմիածնի և Ամենայն Հայոց կաթողիկոսի անունից ելույթ է ունենում Տ. Ներսես արք. Պողոսյանը:

Հոկտեմբերի 13-ին, երկուշաբթի օրը, առավոտյան, հյուրերը այցելում են Ս. Փրկիչ հիվանդանոցը: Մատան մեջ տեղի ունեցած կարճ աղոթքից հետո, հիվանդանոցի հիմնադիր բարերարների՝ Կոլպենկյան գերդաստանի դամբարանների առաջ կատարվում է մասնավոր հոգեհանգստյան պաշտոն: Ապա հյուրերը ծանոթանում են հաստատության բոլոր բաժանմունքներին՝ ծերանոց, հիմարանոց, դարմանատուն և այլն:

Հիվանդանոցի հոգաբարձությունը և բժշկական կապը տվեց ճաշկերույթ, ի պատիվ այցելու բարձրաստիճան հոգևորականների: Ճաշկերույթի ընթացքում հոգաբարձության անունից ելույթներ ունեցան՝ ատենապետ Տիար Փյոյ Արան, դոկտ. Օնիկ Չալքչյանը, բժշկապետ դոկտ. Մարտիրոս Ենիեռզյան և ուրիշներ: Ի դիմաց հյուր սրբազան հայրերի շնորհավորական խոսքով հանդես եկավ Տ. Ներսես արքեպիսկոպոսը: Իր խոսքում սրբազանը Ամենայն Հայոց կաթողիկոսի ողջույններն ու օրհնությունը հաղորդեց վերոհիշյալ հաստատության անձնակազմին, ապա գնահատական խոսք ասաց հոգաբարձության անդամներին, բժշկապետին, բժշկական դասին, ամպագ բույրերին և բոլոր ծառայողներին ու մաղթեց, որ Ս. Փրկիչը ինչպես անցալում, այնպես էլ այսուհետև շարունակի կատարել իր մարդասիրական, օգտակար դերը հաստատության կյանքում: Սրբազանը նաև օրհնեց հիշատակը հիմնադիրների և նրանց, ովքեր կանգուն են պահում սույն հաստատությունը:

Նույն օրը, երեկոյան ժամը 17-ին, Գումգափուի հայոց պատրիարքարանի սրահներում տեղի ունեցավ մասնավոր հուրասիրություն Կ. Պոլսի հայոց պատրիարքության 525-ամյակի և Ամենապատիվ Սրբազան Պատրիարքի գահակալության 25-ամյակի տոնախմբության առթիվ: Այս կապակցությամբ հայոց պատրիարքարան էին եկել Հայ Եկեղեցու բարձրաստիճան սրբազան հյուրերը, հռոմեական կաթողիկե Եկեղեցու և Սրբազան Պապի ներկայացուցիչ՝ իր շքախմբով, Հունաց Տիեզերական Պատրիարքության կողմից՝ միտրոպոլիտներ, անգղիական

Եկեղեցու երեք ներկայացուցիչներ, դեսպաններ, հյուպատոսներ, ազգային հաստատությունների ներկայացուցիչներ, ինչպես նաև թուրք պետական իշխանությանց ներկայացուցիչներ՝ ի գլուխ ունենալով Ստամբուլի կուսակալ Նեվկար Ալալը:

Հյուրասիրության վերջում Սրբազան Պատրիարքը հանդես եկավ ողջույնի խոսքով՝ շնորհակալություն հայտնելով ներկա հյուրերին, որոնք բարեխաճել էին իրենց ներկայությամբ ճոխացնել և պատվել հայոց պատրիարքության այս տոնակատարությունը: Պատասխան խոսք ասաց Ստամբուլի կուսակալ Նեվկար Ալալը՝ շնորհավորելով Սրբազան Պատրիարքին այդ կույզ տարեդարձների առթիվ:

Հոկտեմբերի 14-ին, երեքշաբթի օրը, առավոտյան, հյուր բարձրաստիճան հոգևորականները այցելեցին Շիշլիի հայոց գերեզմանատունը, ուր թաղված էին մեծ թվով պատրիարքներ, հայ մարքի մշակներ ու մտավորականներ: Վառն համարեն ննջեցելոց կատարվեց հոգեհանգիստ:

Նույն օրը, կեսօրին, Հայ Եկեղեցու բարձրաստիճան հոգևորականները այցելեցին Գուրուչեյմեի Երևման Ս. Խաչ եկեղեցի՝ ընդառաջելով եկեղեցու խնամակալների և ժողովրդյան ցանկությանը: «Հրաշափառ-ով հանդիսավորապես եկեղեցի ընդունվելուց հետո, հոգևորականների խումբը ուղղվեց դեպի Չաքարիա պատրիարքի գերեզմանը, որտեղ կատարվեց հոգեհանգստյան պաշտոն: Արարողության ավարտին եկեղեցու սրահում հյուր բարձրաստիճան հոգևորականների ի պատիվ տրվեց ճաշկերույթ, որի ընթացքում բազմաթիվ սրտապեղ խոսքեր սրտասանվեցին հյուրերի և հյուրընկալների կողմից: Ճաշկերույթի ավարտին Ամենայն Հայոց Վեհապառ Հայրապետի պատվիրակ Տ. Ներսես արքեպիսկոպոսը խոսք անելով, ներկաներին բերեց Հայոց Հայրապետի օրհնությունները Սուրբ Էջմիածնից ու իր գնահատանքը հայտնեց պոստահայությանը՝ նրա եկեղեցասիրության և ազգային ժառանգությանը ու հայ մշակույթի նկատմամբ ցուցաբերած նախանձախնդրության համար:

Կ. Պոլսի հայոց պատրիարքության հիմնադրության 525-ամյակի և Ամենապատիվ Տ. Շնորհք արքեպիսկոպոսի գահակալության 25-ամյակի տոնախմբության օրերը եղան ուրախության, հոգևոր վերանորոգման և Հայ Եկեղեցու պատմության վերագնահատման օրեր պոստահայության և բոլոր մասնակից հյուրերի համար:

Այս հիշատակելի օրերի ընթացքում հյուր հոգևորականները այցելեցին «Մարմարա» թերթի խմբագրատուն, ծանոթացան խմբագրապետ Տիար Ռ. Հատտեջյանին, առիթը

ունեցան ծանոթանալու նաև «Ժամանակ» օրաթերթի խմբագրապետ Տիար Արա Գոչին: Սեդանակից եղան քահանայից դասին, բաժանեցին նրանց մտահոգությունները և վերահաստատեցին մեր հոգևոր եղբայրության ուխտը: Այցելեցին մի քանի հայկական եկեղեցիներ, որոնց վերանորոգման համար վերջապես արտոնություն էր ձեռք բերվել և որոնք աստիճանաբար վերանորոգվում էին: Շփվեցին հայ հավատացյալների հետ, վերաբժարծեցին նրանց հավա-

տը դեպի Հայաստանյայց Առաքելական Եկեղեցին և մեր սրբություն սրբոց Մայր Աթոռ Սուրբ Էջմիածինը:

Հոկտեմբերի 17-ին, ուրբաթ օրը, հյուրաբար ներկա սրբազան հայրերը հրաժեշտ տվեցին Ամենապատիվ Սրբազան Պատրիարքին՝ շնորհակալություն հայտնելով սըրտաբաց հյուրընկալության համար:

ԹՂԹԱԿԻՑ

ԼՈՒՐԵՐ ԹՈՐՈՆԹՈՅԻՑ




Մի պահ Ս. Երրորդություն եկեղեցու հիմնօրհների արարողությունից (19 հոկտեմբեր 1986 թ.)

Ինչպես հաղորդել ենք (տես «Էջմիածին» ամսագիր, 1986 թ., № 5, էջ 47—48), Թորոնթոյի հայությունը որոշել է նոր եկեղեցի կառուցել: Այս առթիվ ներկայացնում ենք Ս. Երրորդություն եկեղեցու մանրակերտը և

հիմքի տակ դրված օրհնության գիրը:

«Եղեւ օրհնութիւն անկիւնաքարի եւ հիմանց Հայաստանեայց Եկեղեցւոյ Թորոնթոյի, ի Գանատա. Յամի 1986-ի 19 Հոկտեմբերի լաւուրն Կիւրակէի:

Թորոնթոյի Սուրբ Երրորդութիւն
Հայաստանեայց Եկեղեցւոյ
Նոր Տունը



Ի Հայրապետության Հայոց
S. S. ՎԱՋԳԷՆ Ա. ԱՍՏՈՒԱԾԱՌԱՔ
ԿԱԹՈՂԻԿՈՍԻ

Ձեռամբ

Առաջնորդին Հայոց Գանատայի
ՏԵԱՌՆ ՎԱՋԳԷՆ ՍՐԲԱԶԱՆ ԵՊԻՍԿՈՊՈՍԻ
ՔԵՇԻՇԵԱՆԻ

Արդեամբ նուիրատուութեամբ բարեպաշտ
ժողովրդեան Հայոց: Տէր օրհնեցէ վնուի-
րատուս եւ պինդոյս Եկեղեցւոյս եւ համայն
ժողովուրդ Հայոց Թորոնթոյի եւ շրջակայից:

'ԵՐԱՆԻ ԵԿԵՂԵՑԻ ՇԻՆՈՂԱՑ'
ԱՄԷՆ»:

